



Nassiussiffigineqartut allattorsimaffiat naapertorlugu tusarniaaffigineqartartunut

**Inunngortunik toqusunillu nalunaaruteqartarneq, ilisinerit iliveqarfiillu pillugit
Inatsisartut inatsisissaattut siunnersuut pillugu tusarniaaneq**

08-12-2015
Sagsnr. 2015 - 12903
Dok. nr. 1548051

Inunngortunik toqusunillu nalunaaruteqartarneq, ilisinerit iliveqarfiillu pillugit Inatsisartut inatsisissaattut siunnersuut tusarniutigalugu matumuuna nassiunneqarpoq.

Postboks 1029
3900 Nuuk
Tlf: +299 34 50 00
Fax: +299 32 20 73
Email: ikiin@nanoq.gl
www.nanoq.gl

Qinnuivigaassi siunnersuummut oqaaseqaatit Ilinniartitaanermut, Kultureqarnermut Ilisimatusarnermut Ilageeqarnermullu Naalakkersuisoqarfimmu kingusinnerpaamik ulloq 12. januar 2016 nassiateqqullugit.

Siunnersuutip qulliunerusumik tunuliaqutaa

Iliveqarfiit pillugit Inatsisartut peqqussutaatigut nr. 6, 17. oktober 1990-imeersukkut (Iliveqarfiit pillugit peqqussut) iliveqarfinnik pilersitsisarneq, ilivernik iliveqarfinnillu atorunnaarsitsisarneq aamma iliveqarfinni ilineqarsinnaatitaaneq pillugit malittarisassanik aalajangersagaqarpoq. Peqqussutitoqqap ukiuni 25-ni atuutereernerata kingorna nutarternissaa inuiaqatigiinni ineriartorneq eqqarsaatigalugu pissusissamisoortutut isigineqarpoq.

Inunngortunik toqusunillu nalunaaruteqartarneq pillugu aamma ilisarneq toqusullu timaannik ikuallaasarneq pillugu tassunga peqatigitillugu malittarisassiornissaq tassunga atatillugu naleqquttutut isigineqarpoq.

Inatsisissatut siunnersuut taamaasilluni inunngortunik toqusunillu nalunaaruteqartarneq, ilisarnernik toqusullu timaannik ikuallaasarneq, ilineqarsinnaatitaaneq, qummuattanik ilisarneq arsanillu siararterisarneq, iliveqarfinnik pilersitsisarneq, inoqarfiunngitsuni iliveqarfiit, ilivernik iliveqarfinnillu atorunnaarsitsisarneq, iliverni eqqaassutissanik nalunaarsuisarneq, nakkutilliineq pineqaatissiisarnelut pillugit malittarisassanik imaqarpoq naggasiullugulu piffissaq atuutilersitsivik aamma ikaarsaariarneq pillugu aalajangersakkat allaqqapput

Siunnersuummi immikkoortut pingaarnert

Inunngortunik toqusunillu nalunaaruteqartarneq

Siunnersuutip akuersissutigineqarnerani inunngortunik toqusunillu nalunaaruteqartarneq pillugu nutaatut malittarisassiortoqarpoq. Nalunaaruteqartussaataitaaneq, sumut nalunaaruteqartoqartassanersoq, kikkut nalunaaruteqartassanersut kiisalu taakkununga piffissarititat pillugit malittarisassat allaqqapput.

Ilisarneq toqusullu timaannik ikuallaasarneq

Ilisarneq toqusullu timaannik ikuallaasarneq pillugit aalajangersakkanik siunnersuummi nutaatut aalajangersaasoqarpoq. Siunnersuummi taamaalilluni aalajangersarneqarpoq

toqusut timaat ilineqartassasut ikuallanneqarlutilluunniit. Tamassuma saniatigut allaqqavoq ilisinerit iliveqarfinni iliveqarfittulluunniit akuerisaasuni allani pisassasut aammalu sumiiffimmi toquffiusumi palasi atuagarsualerisoq ilisisarnermi oqartussaasuusoq. Ilisoqarnissaa imaluunniit toqusup timaata ikuallanneqarnissaa ilisisarnermi oqartussamut qinnuiginnissutigineqarsinnaavoq. Tassunga peqatigitillugu kikkut qinnuinnissinnaanersut qinnuiviginninnerillu pillugit maalaaruteqartoqarpat qanoq iliortoqartassanersoq killilersorneqarput.

Ilineqarsinnaatitaaneq, qummuattanik ilisisinnaatitaaneq arsanillu siaruaasinnaatitaaneq
Aalajangersakkat malittarisassanik atuuttunik ilaatigut ingerlatitseqqiinerupput innuttaasullu pisinnaatitaaffii killilersorneqarlutik. Taamaalilluni kikkulluunniit Kalaallit Nunaanni aalajangersimasumik najugaqartut imaluunniit Kalaallit Nunaanniikkallartut ilineqarsinnaatitaapput. Tassungali peqatigitillugu inuit Kalaallit Nunaannut immikkut atassuteqartut allat Kalaallit Nunaanni ilineqarnissaat akuerineqarsinnaavoq. Tamassuma saniatigut aalajangersarneqarpoq inuit Kalaallit Nunaanni Ilagiit iliveqarfiisa avataanni ilineqarnissaannik Biskoppi akuersinnaavoq aammalu arsat allatut ileqqorissaarluni iliorneqarnissaannik akuersinissamut Biskoppi periarfissaqarpoq.

Iliveqarfinnik atuutilersitsineq

Aalajangersakkat mallittarisassanik atuuttunik ilaatigut ingerlatitseqqiinerupput taamaalillunilu kommunit ilagiillu akornanni akisussaaffiit pisinnaatitaaffiillu agguarneqarnerat ingerlatiinnarneqarluni. Tamanna naleqqunnerpaatut isigineqarpoq, tassa kommunit teknikkikut allaffissornermilu ilagiit, tassunga ilanngullugit ilagiit sinniisaasa, pigingisaannik isumalluuteqarmata. Kisiannili kommunini, peqqinnissaqarfinni ilagiinnilu oqartussat qanimut sulisuleqatigiissapput.

Inoqarfiunngitsuni iliveqarfiit

Siunnersuummi erseqqissarneqarpoq inoqarfiunngitsuni iliveqarfiit iliveqarfittut nalunaaqutserneqassasut. Tamassuma saniatigut aalajangersarneqarpoq ilagiit sinniisaat pinnatik provsti nakkutilliisuussasoq, taamaalilluni iliveqarfinni taamaattuni qinnuteqartoqareerneratigut ilisoqarnissaannik provsti aamma akuersisartuulluni.

Ilivernik iliveqarfinnillu atorunnaarsitsineq

Iliveqarfiit pillugit peqqussummi malittarisassanik ilaatigut ingerlatitseqqiisoqarpoq. Erseqqissarneqarpoq piffissaq eqqissisimatitsivik tassaasoq piffissaq ilerri ataasiakkaat attorneqarfigisussaannngisaat, ilagiillu sinniisaasa inassuteqarnerisigut piffissamik eqqissisimatitsivissamik sivisunerusumik Biskoppi aalajangiisnaasoq.

Iliverni eqqaassutissanik nalunaarsuineq

Iliverni eqqaassutissanik nalunaarsuisarneq pillugu malittarisassat ilanngunneqarnissaat pissusissamisoortutut isigineqarpoq, tassa taamatut nalunaarsuisarneq eqqumiitsuliornermi, kulturikkut oqaluttuarisaanermi allallu pissutigalugit pingaaruteqartutut isigineqarnerat. Nalunaarusiortarnerup inatsisitigut sunniutai aamma aalajangersarneqarput, tassa iliverni eqqaassutissat nalunaarsorneqarnikut iliveqarfimmit peerneqassanngimmata.

Nakkutilliineq pineqaatissiisarneq aamma piffissaq atuutilersitsivik

Biskoppip aalajangiineri Naalakkarsuisunut maalaarutigineqarsinnaanerannut periarfissap aalajangersarnissaa pissusissamisoortutut isigineqarpoq, aammalu

inatsimmi aalajangersakkanik aalajangersimasunik unioqqutitsinermi
akiliisitsisoqarsinnaanera aalajangersarneqarluni.

Siunnersuummi naggasiullugu aalajangersarneqarpoq toqusut timaannik ikuallaasarneq
pillugu aalajangersakkat, Avatangiisinik illersuineq pillugu inatsit naapertorlugu taamatut
akuerisaasunik Kalaallit Nunaanni toqusut timaannik ikuallaasarfimmik ataatsimik
arlalinnilluunniit pilersitsisoqarsimatinnagu Kalaallit Nunaanni toqusut timaannik
ikuallaasarneq eqqarsaatigalugu atuutinngitsut.

Inussiarnersumik inuulluaqqusilluta

Lena B.M. Petersen
Inatsisileritooq/IKIIN
Tlf. 345742

Nassitsivigineqartunik allattuivik

1	Naalackersuisut Siulittaasuata Naalackersuisoqarfia	Govsec@nanoq.gl
2.	Peqqissutsimut Naalackersuisoqarfik	Pan@nanoq.gl
3.	Ineqarnermut, Sanaatornermut, Attaveqarnermullu Naalackersuisoqarfik	Isan@anoq.gl
4.	Aningaasaqarnermut Naalackersuisoqarfik	Oed@nanoq.gl
5.	Aatsitassanut Ikummatissanullu Naalackersuisoqarfik	Mmr@nanoq.gl
6.	Aalisarnermut, Piniarnermut Nunalerinermullu Naalackersuisoqarfik	Apnn@nanoq.gl
7	Inuussutissarsiornermut, Suliffeqarnermut Niuernermullu Naalackersuisoqarfik	Isiin@nanoq.gl
8.	Nunanut allanut pisortaqarfik	Nap@nanoq.gl
9.	Ilaqutariinnermut, Naligiissitaanermut Isumaginninnermullu Naalackersuisoqarfik	Iian@nanoq.gl
10.	Pinnortitamut, Avatangiisinut Inatsisinillu Atuutsitsinermit Naalackersuisoqarfik	Paian@nanoq.gl
11.	Ilinniartitaanermut, Kultureqarnermut, Ilisimatusarnermut, Ilageeqarnermullu Naalackersuisoqarfik	Ikiin@nanoq.gl
12.	Biskoppi	biskop@ilagiit.gl
13.	Palasit tamarmik	
	Palaseq kalaaleq Danmarkimi (Jens-Kristian Kleist)	jekl@ilagiit.gl
	Palaseqarfik Ittoqqortoormiit	ittoqqortoormiut@ilagiit.gl
	Palaseqarfik Ammassalik	ammassalik@ilagiit.gl
	Palaseqarfik Qaanaaq	qaanaaq@ilagiit.gl
	Palaseqarfik Upernavik	upernavik@ilagiit.gl
	Palaseqarfik Uummannaq	uummannaq@ilagiit.gl
	Palaseqarfik Qeqertarsuaq	qeqertarsuaq@ilagiit.gl
	Palaseqarfik Ilulissat	ilulissat@ilagiit.gl
	Palaseqarfik Qasigiannuit	qasigiannuit@ilagiit.gl
	Palaseqarfik Aasiaat	aasiaat@ilagiit.gl
	Palaseqarfik Sisimiut	sisimiut@ilagiit.gl
	Palaseqarfik Maniitsoq	maniitsoq@ilagiit.gl
	Palaseqarfik Nuuk	nuuk@ilagiit.gl
	Palaseqarfik Paamiut	paamiut@ilagiit.gl
	Palaseqarfik Narsaq	narsaq@ilagiit.gl
	Palaseqarfik Qaqortoq	qaqortoq@ilagiit.gl
	Palaseqarfik Nanortalik	nanortalik@ilagiit.gl
14.	Provsteqarfiit tamarmik	
	Provsteqarfik Kujataa	kujataa@ilagiit.gl
	Provsteqarfik Qeqqa	qeqqa@ilagiit.gl
	Provsteqarfik Avannaa	avannaa@ilagiit.gl
15.	Samtlige menighedsrepræsentationer	
16.	Kalaallit Palasit Peqatigiiffiat (Paneeraq S. Munk)	pasm@ilagiit.gl
17.	Ajoqit Pattattullu Peqatigiiffiat (Formand: Adof Eugenius- Jensen)	adoej@greenet.gl
18.	Kirkeministeriet	km@km.dk
19.	Bispeforeningen	ddp@praesteforening.dk

20.	Den Danske Præsteforening	ddp@praesteforening.dk
21.	Danmarks kordegneforening	dk@kordegn.dk
22.	Århus Universitet – Teologisk Fakultet	au@au.dk
23.	Københavns Universitet – Teologisk Fakultet	dtf@teol.ku.dk
24.	Lederne	lid@lederne.dk
25.	Akademikernes Sammenslutning i Grønland (ASG)	asg@greenet.gl
26.	KANUKOKA	kanukoka@kanukoka.gl
27.	KANUNUPE	kanunupe@greenet.gl
28.	NUSUKA	nusuka@greenet.gl
29.	Atorfillit Kattuffiat	aknuuk@ak.gl
30.	Grønlands Arbejdsgiverforening (GA)	ga@ga.gl
31.	IMAK	imak@imak.gl
32.	SIK	sik@sik.gl
33.	Ilisimatusarfik	mail@uni.gl